

中
华
医
学

大
辞
典

谢观 主编

(下卷)

辽宁科学技术出版社

大

中

辞

华

典

医

谢观 主编

(下卷)

辽宁科学技术出版社

学

(辽)新登字4号

图书在版编目(CIP)数据

中华医学大辞典 上、下卷/谢观主编·沈阳:辽宁
科学技术出版社,1994.8
ISBN-7-5381-1868-3

I. 中...

II. 谢...

III.

IV. R

辽宁科学技术出版社出版发行

(沈阳市和平区北一马路108号 邮政编码110001)

北京世界知识印刷厂

开本: 787×1092 1/16 印张: 116.5 字数: 3,000千字 插页: 8
印数: 1-3000

1994年8月第1版

1994年8月第1次印刷

责任编辑: 宋纯智

版式设计: 李 夏 于 浪

封面设计: 曹太文

责任校对: 王 志

ISBN7-5381-1868-3/R·305

定价: 218.00元

下

五木寛之 即秋石
第六 秋石、《文政》、《物語》、《文政》、
第七 五木寛之、《物語》、《文政》、

下 卷

卷

七 画

沁砂红 痘疮初出二三日而小便尿血之称。详〔痘疮尿血〕条。

沉 ①月事沉滞也(一说痔也)。《素问·气厥论》:小肠移热于大肠,为虚瘕,为沉。②脉象之沉于下者。《伤寒论》:迟缓相搏,名曰沉。详〔沉脉〕条。

沉天 不分明貌。《灵枢·五色篇》:其色粗以明,沉夭者为甚。

沉水香 即沉香。

沉沉 昏也。《灵枢·杂病篇》:头沉沉然。

沉香 香木类,《别录》上品。

〔形态〕常绿亚乔木,多产于粤桂等省,形似桦柳,高者数丈,皮青色,叶如箭簇,互生,夏开繁密白花,为伞形花序,秋日结实,大似槟榔,土人断其木根,以其材浸水中,久之皮干朽腐,而木心与枝节不坏,质坚色黑,入水即沉。〔木〕可疗疾,详本条。



沉 香

沉香丸 ①张道人方。〔功用〕治小儿急疳,疳痢脱肛。②《证治准绳》方。

沉香木 〔性质〕辛微温,无毒(或作甘苦)。〔功用〕温中,调气,利五脏,助脾胃,补命门,暖腰膝,治上热下寒、气逆喘急、霍乱转筋、吐泻、冷风、麻痹、骨节不任、冷气、风水毒肿、风湿、皮肤瘙痒、中恶、邪鬼、疰气(酒煮服)、痰涎血、胃冷久呃(同紫苏、白豆蔻为末,柿蒂汤下)、心腹疼痛(酒煮服)、癥癖、气痢、噤口毒痢、大肠虚闭、小便气淋、男子精冷、疔疮肿(煎膏服)。

沉香汤 《证治准绳》方。〔功用〕治石疽疔毒结硬,口干烦热,四肢拘急,不得卧者。

沉香曲 〔功用〕疏表,化滞舒肝,和胃,治肝胃气滞,胸闷、腕胀、腹痛、呕吐、吞酸。

沉香饮 《证治准绳》方。①〔功用〕治吐泻后脾胃虚弱,神昏、体倦、烦热、盗汗、食少不化,或闻食作恶。②〔功用〕升降阴阳,治痞气。

沉香散 ①《证治准绳》方。①〔功用〕固齿发。〔药品〕沉香、诃子皮、青盐、青黛各二钱,白檀、母丁香各一钱五分,当归、香附子(炒,去毛)、细辛(去苗)、苦楝子(破四片,炒)各五钱,荷叶灰、乳香各一钱,龙胆(另研)、麝香(另研)各五分,酸石榴皮二两五钱。〔用法〕研为细末,每用五分,如常刷牙,温水刷漱吐出,每日早晚二次。②〔功用〕治腹胀气喘。〔药品〕沉香、木香各二钱五分,枳壳(麸炒)、萝卜子(炒)各三钱。〔用法〕清水二盅,加生姜三片,煎至一盅,不拘时服。③〔功用〕助胃气,止吐泻。〔药品〕沉香、丁香、木香、藿香、厚朴(制)、甘草(炙)各一钱,茯苓二钱。〔用法〕研为末,每服一字,米饮汤调下。

④〔功用〕治气淋。〔药品〕沉香、石苇(去毛)、滑石、王不留行、当归各五钱(一作各一两),冬葵子、芍药各七钱五分,甘草(炙)、橘皮各二钱五分(一方有瞿麦一两,白朮七钱五分,无橘皮)。〔用法〕研为细末,每服二钱,空腹时大麦煎汤调下,以利为度。⑤〔功用〕治膏淋,脐下妨闷,不得快利。〔药品〕沉香、陈皮(汤浸,去白,焙)、黄芪各七钱五分,瞿麦三两,榆白皮、韭子(炒)、滑石各一两,黄芩、甘草(炙)各五钱。〔用法〕研为细末,每服二钱,食前清粥饮调下。⑥〔功用〕治脚气冲心,烦闷喘促,脚膝酸疼,神思昏愤。〔药品〕沉香、赤芍药、木通、紫苏茎叶、河黎勒皮、槟榔各一两,吴茱萸五钱。〔用法〕吹咀,每服八钱,清水一中盏半,加生姜五片,煎至一大盏,去渣,不拘时温服。⑦〔功用〕治脚气,心腹胀满、四肢壅闷、不思饮食。〔药品〕沉香、枳壳(去瓢,麸炒)、桂心各七钱五分,大腹皮(锉)、赤茯苓(去皮)、槟榔、赤芍药、川大黄(煨)、河黎勒皮、桑白皮各一两,吴茱萸(汤洗)、木香各五钱。〔用法〕吹咀,每服八钱,清水一中盏半,加生姜五片,煎至一盅,去渣,不拘时温服。⑧〔功用〕治溃疡有余热。〔药品〕沉香(锉)、柴胡(去苗)、黄芪、麦门冬(去心)各一两,白朮七钱五分,熟地黄二两,黄芩、栝楼根、生甘草各五钱。〔用法〕锉散,每服四钱,清水一中盏,加竹叶二七片,小麦五十粒,煎至六分,去滓,不拘时温服。⑨《沈氏尊生书》方。〔功用〕治久呃。〔药品〕沉香、紫苏、白豆蔻仁各一钱。〔用法〕研为末,每服五七分,柿蒂汤调下。

沉香煎 《证治准绳》方。〔功用〕治脾气冷积肚痛。

沉香煎丸 《证治准绳》方。〔功用〕温经,理气。

沉香天麻丸 即沉香天麻汤之药品研末,姜汁泛丸,每丸重五分,每服一丸,薄荷汤化下。〔功用〕与汤同。

沉香天麻汤 《证治准绳》方。〔功用〕治小儿惊痫发搐,痰壅目斜,项背强急,喉中有声。

沉香升降散 《御药院方》方。〔功用〕治一切气不升降,胁肋刺痛、胸膈痞塞。〔药品〕沉香、槟榔各二钱五分,人参、大腹皮(炒,一作一两)、诃子(煨,去核,一作诃子皮,泡)各五钱,白朮、乌药、香附子(炒,一作泡,一两五钱)、紫苏叶、厚朴(去粗皮,姜制)、神曲(炒)、麦蘖(炒)各一两,京三棱(煨)、蓬莪茂(煨,一作泡,四两)、益智仁各二两,陈皮(去白)、姜黄、甘草(炙)、红花各四两。〔用法〕研为细末,每服二钱,食前沸汤调下。

沉香化气丸 ①《证治准绳》方。〔功用〕治诸般积滞,阻郁胸腹作痛,肠胃不畅,疫气瘴气,中毒恶气,茶癖恶肿,疮疡肿毒,跌扑损伤,及中六畜等毒。〔药品〕沉香四钱(上好角沉水者,另研为末,一作五钱),大黄(锦纹者,酒蒸)、黄芩(条实者)各一两(一作各二两),人参(官拣者,去

芦)、白术(肥者,去芦)各三钱(一作各三两)。
〔制法〕除沉香另研为末外,余均锉碎,用姜汁、竹沥七浸七曝,候干,研为细末,和沉香末再研匀,用竹沥入姜汁少许,神曲煮糊为丸,如绿豆大,朱砂(水飞)为衣,晒干,勿见火。〔用法〕每服一二钱,小儿六分,淡姜汤送下。〔杂论〕此方仿滚痰丸之制,去礞石,加参术,以祛食积痰饮,虽较滚痰丸稍逊,然二黄得参术以鼓其势,亦是突围猛帅。勿以其中有参术,视为兼补漫施,以伐后天,为害非鲜。③验方。〔功用〕治胸腹留饮,喘促吐酸,痞塞疼痛。〔药品〕沉香五钱,甘草、香附(制)、广木香、陈皮、缩砂仁各一两,蓬莪茂、焦麦芽、广藿香、神曲各二两。〔制法〕共为末,水泛丸,如梧桐子大。〔用法〕每服三钱,熟汤送下。

沉香化滞丸 〔功用〕治肝胃不和,食滞不化,胸腹闷痛,一切气块等证。〔药品〕沉香六钱,厚朴、白术(制)、法半夏、广陈皮、广木香、缩砂仁、尖槟榔、广藿香各一两二钱,大黄(锦纹者)、黄芩、焦山楂肉各一两五钱。焦枳实三两。〔制法〕共为细末,竹沥、姜汁调糊为丸,如梧桐子大。〔用法〕每服三钱,熟汤送下。

沉香化痰丸 《张氏医通》方。〔功用〕治胸中积年痰热。〔药品〕沉香、木香各一两,半夏曲八两(用姜汁一小杯,竹沥一大盏制),黄连二两(姜汁炒)。〔制法〕研为细末,甘草汤泛为丸,如梧桐子大。〔用法〕每服二钱,空腹时淡姜汤送下。

沉香石斛汤 《证治准绳》方。〔功用〕治肾脏积冷,奔豚气攻,少腹疼痛,上冲胸胁。〔药品〕沉香、石斛、陈曲(炒)各一两,赤茯苓(去皮)、人参、巴戟(去心)、桂心(去粗皮)、五味子(微炒)、白朮、芎藭各七钱五分,木香、肉豆蔻各五钱。〔用法〕哎咀,每服三钱,清水一盏,加生姜三片,大枣三枚(擘破),煎至六分,去滓,食前热服。

沉香交泰丸 《证治准绳》方。〔功用〕通利胸腹。〔药品〕沉香、橘红、白朮各三钱,厚朴(姜制)五钱,吴茱萸(汤泡)、枳实(麸炒)、青皮(去白)、木香、白茯苓、泽泻、当归各二钱,大黄(酒浸)一两。〔制法〕研为细末,汤浸蒸饼和丸,如梧桐子大。〔用法〕每服五十丸,加至七八十丸,温汤送下,微利为度。

沉香导气汤 《张氏医通》方。〔功用〕治脚气入腹冲心,疼痛肿满,大小便秘。〔药品〕羌活、白芍药、槟榔各一钱,甘草(炙)五分,抚芎、香附(一作青皮)、枳壳(炒)各八分,紫苏、苏子、木瓜各六分,生姜三片。〔用法〕清水煎,去滓,临卧时以药汁磨沉香、木香各五分调下。

沉香导气散 即沉香升降散。

沉香牡丹丸 《证治准绳》方。〔功用〕治血虚经少,赤白带下,血气冲心,多发刺痛,四肢烦困。〔药品〕沉香七钱五分,牡丹皮(去心)、赤芍药、吴茱萸(汤泡去苦,炒)、当归、桂心、川芎、黄芩(去芦,蜜炙)、人参、茯苓、山药、川巴戟(去心)、白朮、橘红、木香、干生姜、白龙骨、牛膝(去苗,酒洗)、枳壳(去瓢,麸炒)、肉豆蔻、厚朴(制)各五钱。〔制法〕研为细末,炼蜜和丸,如梧桐子大。〔用法〕每服二十丸,空腹时温酒送下。若心腹痛,白芷煎酒下。

沉香和中丸 《沈氏尊生书》方。〔功用〕治郁滞。〔药品〕沉香二钱,黑牵牛头末二两三钱,滑石二两,大黄一两二钱,木香、黄芩、槟榔、枳壳、青

礞石、青皮、陈皮各五钱。〔制法〕研为细末,水泛丸,如梧桐子大。〔用法〕每服三四钱,茶清送下。

沉香降气丸 即沉香降气散第一方之药品为末,水泛丸,如梧桐子大,每服二钱,熟汤送下。〔功用〕与散同。

沉香降气汤 《证治准绳》方。〔功用〕治白崩,妊娠心痛。〔药品〕沉香、真降香、白胶香、虎胥骨(酥炙)、人参、鬼箭、草龙胆各五钱。〔用法〕研为末,次入雄黄五钱,麝香一钱,炼蜜和丸,乳香汤化下。阴阳不和,心腹刺痛者,加乳香。

沉香降气散 ①《太平惠民和剂局方》方。〔功用〕通顺气血,治一切留饮气滞、胸胁痞闷、喘促短气、噎醋吞酸、妇人经水不调、少腹刺痛。〔药品〕沉香二钱八分(另研,一作四钱),甘草五钱五分(炙,一作八钱,同砂仁拌湿炒,一作一两二钱),缩砂仁七钱五分(捶炒,一作四钱,一作五钱),香附子(盐水炒,去毛,一作姜汁拌,一作童便浸,去外皮,微炒二两,一作四两)六两二钱五分(一方有乌药)。〔用法〕研为极细末,每服二钱,空腹时沸汤或淡姜汤、盐汤调下,虚者人参汤下。②《沈氏尊生书》方。〔药品〕沉香、木香、柴胡、白芍药、细辛、青皮、陈皮、紫苏子。〔用法〕为末,清水煎服。

沉香桂附丸 《卫生宝鉴》方。〔功用〕治脾胃虚寒积冷、胸腹胁肋疼痛、鸣扰、肢厥便利、腰屈喜热熨、下焦阳虚及七种疝痛。〔药品〕沉香、官桂、附子(炮,去皮脐)、川乌(炮,去皮脐)、干姜(炮)、高良姜(炒)、吴茱萸(汤浸去苦)、茴香(炒)各一两。〔制法〕研为细末,醋煮曲糊和丸,如梧桐子大。〔用法〕每服五十丸至七八十丸,食前米饮送下,每日二次,忌食生冷。

沉香堕痰丸 《证治准绳》方。〔功用〕治宿食不消,咽膈不利,咳嗽痰涎,头目昏晕,呕逆恶心,胸膈不快。〔药品〕沉香、木香各二钱,青皮(去白)二钱五分,半夏曲二两,槟榔二枚(大者面裹煨熟)。〔制法〕研为细末,生姜汁,浸蒸饼和丸,如小豆大。〔用法〕每服二十丸,不拘时生姜汤送下。

沉香琥珀丸 《证治准绳》方。〔功用〕治水肿、小便不通,及血结、小腹青紫筋挛、喘急胀痛、小儿脾经湿热、腰脐两足皆肿。〔药品〕沉香一两五钱(另研,一作五钱),琥珀(另研)、杏仁(去皮尖,炒,一作桃仁)、紫苏子(一作苏木)、赤茯苓、泽泻各五钱,苦葶苈(炒,一作隔纸焙)、郁李仁(去皮)各一两五钱(一作各一两),陈皮(去白)、防己(酒洗)各七钱五分(一作各五钱)。〔制法〕研为细末,炼蜜和丸,如梧桐子大,麝香一钱为衣。〔用法〕每服二十五丸,加至五十丸或一百丸,空腹时熟汤送下。虚者人参煎汤下,量虚实加减。

沉香琥珀散 《证治准绳》方。〔功用〕治诸淋。〔药品〕沉香、琥珀各三钱,通草、忘忧根、蒿蓄、小茴香(炒)、木通、麒麟竭、滑石、海金沙、木香各五钱。〔用法〕锉散,每服一两,清水二盏半,加灯芯一把,竹叶十片,连根葱白三茎,同煎至七分,去滓,空腹食前温服。便硬加大黄五钱,水道涩痛加山梔五钱,淋血加生地黄一两,瀑流水煎,极验。

沉香滚痰丸 即滚痰丸。

沉香槟榔丸 《证治准绳》方。〔功用〕和脾,助胃,进食,清神,宽胸,快膈,顺气,调中,悦颜色,

壮筋骨，治面黄肌瘦、乳癖腹胀痛、吐利痞肿、诸疳虫积。〔药品〕沉香、槟榔、檀香、南木香、丁香皮、三棱（炮锉）、神曲（炒）、蓬莪茂（炮）、麦芽（洗炒）、厚朴、苍术（米泔浸，锉，炒黄）、使君子肉（锉，瓦上焙干）、青皮（去白）、陈皮（去白）、缩砂仁、益智仁（刮去粗皮，姜汁炙）、香附、枳壳（去瓢，麸炒燥）、高良姜（制）各五钱，甘草（炙）一两五钱（一方无陈皮）。〔用法〕除前五味不见火，余十五味锉焙，仍同沉香等为末，水煮面糊和丸，如麻仁大，每服三十丸至五十丸，不拘时温米汤送下。如儿小不能吞咽，则炼蜜和丸，如芡实大，每服一九至二九，温汤化下。

沉香磁石丸 《证治准绳》方。〔功用〕治上盛下虚，头晕、目眩、耳鸣、耳聋。〔药品〕沉香（另碎）、蔓荆子、青盐（另研）、甘菊花各五钱，巴戟（去心）、葫芦巴、山药（炒）、川椒（去目，炒）、磁石（火煨，醋淬，细研，水飞）、山茱萸（去核）、阳起石（火煨）、附子（泡，去皮脐）各一两。〔制法〕研为细末，酒煮米糊和丸，如梧桐子大。〔用法〕每服五十丸，加至七十丸，空腹时盐汤送下。

沉香鳖甲丹 《证治准绳》方。〔功用〕治潮热、盗汗。〔药品〕沉香、鳖甲（童便浸一宿，去裙襴，酥炙黄）、龙胆草、当归（洗焙干）、绵黄芪（锉）各一两，川黄连、川大黄（微炮）各五钱。〔制法〕捣罗为细末，炼蜜和丸，如黍米大。〔用法〕每服十丸，麦门冬（去心）煎汤送下，量儿大小加减。

沉香鳖甲散 《证治准绳》方。〔功用〕治室女经滞，痰停，头昏，心烦，食少多困。〔药品〕沉香三分，鳖甲一两五钱，甘草（炙）、槟榔各三分，木香、常山、当归、柴胡、人参、半夏、桂心、生地黄、白茯苓、青皮、陈皮各一两。〔用法〕研为细末，每服二钱，加生姜二片，清水煎，空腹时温服。

沉脉 脉象之沉者。在肌肉之下，筋骨之间，轻手不见，重按方得，为阴盛阳虚之候；脉之见此者，属阴属气属水属寒属骨，为停饮，为癖瘕，为肋胀，为厥逆，为洞泄；兼细则少气，兼滑则宿食停滞，兼迟则痼冷内寒，兼伏则霍乱吐泻，兼数则内热重，兼弦则心腹冷痛；在左寸者，主心内寒邪痛、胸肋寒饮作痛；左关则伏寒在经，两肋刺痛，兼弦，则痼瘕内痛；左尺则肾藏寒，腰背冷痛、小便浊而频；男为精冷，女为血结，兼细则脘酸阴痒、尿有余沥；右寸则肺中虚冷，寒痰停蓄，虚喘少气，兼紧滑则咳嗽，兼细滑则骨蒸寒热、皮毛焦干；右关则胃中寒积、中满吐酸，兼紧必有悬饮；右尺则有水气，或腰足痛，兼细则下痢、小便滑、脐下冷痛。大抵冬令沉脉为正，女寸男尺为宜；太过病在外，不及病在内。

沉痔 痔下垂也。《灵枢·邪气藏府病形篇》：微涩为不月、沉痔。

沉善兼 字达三，清·桐乡人。世家子，其先好施药，善兼踵行不息，并择其施之有效者，刊为《经验方》二卷。

沉寒 寒气久停于脏腑中者，治法与痼冷同，详〔痼冷〕条。

沉厥 骤然气逆，不省人事也。《灵枢·邪气藏府病形篇》：微急为沉厥奔豚。

沉黔 与沉阴同，天久不晴也。《素问·五常政大论》：沉黔淫雨。

沉翳内障 此证疼痛则昼轻夜重、黑暗中隐有白翳，须明处细看，方能见之，由肝经劳热、脑中热气、

下流攻瞳所致，宜用沉翳羚羊饮、羚羊角饮、皂荚丸之属。参看〔目内障〕条。

沉翳羚羊饮 《医宗金鉴》方。〔功用〕治沉翳。〔药品〕羚羊角、防风、羌蔚子各二钱，车前子、大黄、黄芩、黑参各一钱。〔用法〕研为粗末，清水二盏，煎至一盏，去滓，食后温服。

沈义 《神仙传》：吴郡人，学道蜀中，善治病，功德感天，遂以仙去。

沈士逸 字逸真，明·仁和人。少时尝献书经略邢公，公奇之，置为裨将，令督兵海上，以功为游洋将军，已而父祖相继没，母孀弟幼，遂绝意疆场，奉母潜隧，而产日落。乃发篋读禁方，尽得要秘，数年名大起，日造请者数十百家，全活不可胜数。既老，构园池，多树竹木，种菱芡，日抱琴书坐卧其中，贤士大夫，轩车到门，多不时出，而以疾来者，则率尔命驾，无问远近，年六十有六病卒，著《翌世元机》若干卷。

沈与龄 字竹亮，明·吴江人。工医，能决生死，著《医便》行世。

沈文彭 字尧封，清·嘉善人。著《医经读》、《伤寒论读》、《女科辑要》。

沈巨源 字晓庵，清·杭州人，著有《痘科正传》六卷。

沈氏尊生书 清·沈金鳌撰。曰《脉象统类》，曰《诸脉主病诗》，曰《杂病源流犀烛》，曰《伤寒论纲目》，曰《妇科玉尺》，曰《幼科释谜》，曰《要药分剂》，凡七种，七十二卷，各详本条。

沈允振 字慎伯，好问子，精医学，得其家传。

沈汝孝 字太国，明·杭州人。父文奎，习岐黄而术不甚售，汝孝则童年知医，所投辄效。同时有名者，尚有钱卢二人，钱善攻，卢善守，汝孝则适宜于二者之间，不泥于攻守之法，三人称鼎足焉，年八十卒。

沈光明 元·华亭人。以治目鸣，先世常受术于龙树，内外障七十二证，悉能治而去之，光明克世其学，士大夫咸称重焉。

沈贞 字士怡，明·昆山人。精于医业，志在济人，未尝嗜利，患伤寒难治，因以仲景论为主，取李浩《或问》郭雍《补亡》，由汉迄今，凡论伤寒者，集而为专书，名曰伤寒会通。

沈好问 字裕生，号启明，元·钱塘人。其先世善针灸，精小儿医，隶宋太医院，南渡后徙居杭，治效甚著，杭人呼为沈铁针。好问颖慧绝人，取家藏秘笈，昼夜研究，视人疾病，洞见脏腑。江某子一岁，痘止三颗，见额上耳后唇傍，好问曰：儿痘部位心肾脾三经，逆传，土克水，水克火，宜攻不宜补，攻则毒散，补则脏腑相戕。治至十四日，痘明润将成矣，好问曰：以石膏治之，恐胃土伤肾水。俗医怜儿小，谬投以参，好问见之，惊曰：服参耶？不能过二十一日矣。儿卒死，仕至太医院院判，以老告归卒。子允振，世其学。

沈应善 字嘉言，唐·南昌人。初业儒，屡试不售，性至孝，亲歿，庐墓三年，闾里称之。一夕梦神示曰：上帝命汝活千万人，岂可守一编以终乎？既寤，遂决志学医，遇蜀人韩隐庵，因师事焉，初授《素问》、《内经》诸书，徐进以道引之术及秘藏诸方，三年，尽得其学，一日隐庵忽曰：九九之际，当迟我于峨眉之麓。乃别去。应善试其术，投剂辄愈，自是名大振，一时士大夫，咸与之游，岁厉则捐贖贮药，济人靡倦，居旁构一舍，曰来安堂，诸药俱

饮食，无不具备，年八十一，忽语家人曰：韩先生招我，我将逝矣。寻沐浴而卒。子长庚世其业，著有《素问笺释》二卷。

沈良惠 以医仕宋，由汴徙吴，高宗赐书良惠二字，吴人遂以良惠称之。

沈时誉 字时生，明·华亭人。工医，徙吴居桃花坞唐寅别业，切脉若神，投剂辄起，晚年筑室山中，著《医衡病议治验》诸书。

沈彤 字贯云，号果堂，清·吴江县人。精研经学，著有《释骨》一卷。

沈附汤 《仁斋直指方》方。〔功用〕治胸腹结痛。〔药品〕沉香五分，生附子一钱，辣桂、毕澄茄、甘草（炙）各五分，香附一钱。〔用法〕清水二盏，加生姜七片，煎至八分，空腹时温服。

沈卓士 字悦庭，号越亭，谦子，著述见《吴医汇讲》。

沈果之 字实夫，号橘园，谦孙，著述有《医学希贤录》十卷，未梓，又见《吴医汇讲》中。

沈金鳌 字芊绿，清·无锡人。举人，弱冠时，好搜阅方书，遂通医。有周文俊者，患肝疾，医者误以湿治，投燥劫药，延二十余日，咽干舌润，齿腭皆黑，胸膈如焚，手自爬搔，肌肉粉裂，日夜不寐，自分必死，金熬力排众议，投以平肝清火之剂而愈。文俊病剧时，假寐，若有人连呼张方平救汝，翌日，即遇金熬，服其药，便得卧，梦中闻呼如故，众乃赠金熬号曰再平，著有《尊生书》七种。

沈建 《神仙传》：后汉时丹阳人，父为长吏，而建独不肯仕宦，学道引服食之术、延年却老之法，又能治病辄愈，后断谷不食，轻举飞行，或去或来，如此三百余年，乃绝迹不知所之。

沈绎 明人。洪武中肃王嗜乳酥，获痰疾，绎与饮浓茶数碗，荡涤膈中而愈。

沈炳荣 字吟梅，清·桐乡人。熟精医理，官直隶时，曾治一妇人二十八，因丧夫而得颠疾，时发笑声，用六味地黄汤加犀角一钱，服二剂即痊。盖笑主心，心生火，心郁则火愈炽而上升，故以此药交心肾，使火熄而病自己也。

沈括 宋人。博学淹贯，无所不通，于医尤精。著《灵苑方》二十卷，《苏沈良方》八卷，《宋史》有传。

沈家璠 字思劬，号小隈，谦之曾孙，著述见《吴医汇讲》。

沈家熊 字香岩，号惟祥，果之子，著述见《吴医汇讲》。

沈绶 明·江阴人，著《山林相业》十卷。

沈谦 字受益，号牧庵，清·吴人。著述见《吴医汇讲》。

沈苕藤 曼游藤之别名。

沈镜 字薇垣，清康熙时人，著有《删注脉诀规正》。

汪元弼 字正希，号古香，清·长洲县人。著述见《吴医汇讲》。

汪机 字省之，明·祁门县人。为县诸生，因母病呕，遂究心学医，凡岐黄仓扁诸书，靡不探讨，异证奇疾，治之无不中，名高难致，病者有聆声咳顿喜遂瘳，所全活甚众，著有《石山医案》、《医学原理》、《内经补注》、《本草会编》、《素问抄》、《脉诀刊误》、《外科理例》、《痘治理辨》、《针灸问对》、《伤寒选录》、《运气易览》等书。

汪光爵 字缵功，号学舟，清·吴县人，著述见《吴医汇讲》，又有《医要》若干卷，未刻。

汪昂 字切庵，清·休宁县人。诸生，年三十余，即弃举子业，笃志方书，著有《素灵类纂约注》、《医方集解》、《本草备要》、《汤头歌诀》等书，皆浅显易明，为学者所称。

汪宦 明·祁门人。精通医理，著有《医学质疑》若干卷。

汪祝尧 字画山，清·钱塘县人。诸生，吴师机之从妹夫，师机在泰州以薄贴为人治病，祝尧尝为之助，著有《外科易知》二十卷，未刊。

汪哲 字朴斋，清·休宁县人。著有《产科心法》。

汪继昌 字伯期，明·婺源县人。先世多业岐黄，昌始奋学能文，试不遇，寻复专医术，挂瓢黄山白岳间，精阴阳司天之说，调五行生克，黜奇霸不用，活人无算，时称国手，尤于治痘有异传，常语人曰：痘科无死证，其不治者，医之咎也。著有《痘科秘决行世》。

汪淇 字瞻漪，一字右之，清·钱塘县人，著《慈幼纲目》及《保生碎事》一卷，又尝笺释《济阴纲目》。

汪副护 字天相，明·休宁县人。少通儒术，改业医，师祁门汪机，寻历姑苏京口访明师，遂精医学，祖东垣老人，专以扶元气为主，因号培元医，行四十余年，全活甚众。著《试效集成》等书。

汪琥 字苓友，清·长洲县人。著有《伤寒辨证广注》、《张仲景中寒论广注》。

汪源 元明时歙县人，著有《保婴全书》。

汪本熙 清人，选辑《理瀚骈文摘要》。

沔茄 即缅茄。

沐浴长春散 《证治准绳》方。〔功用〕①治男子阴冷湿痒，搔痛成疮流水。②妇人下部阴湿，子宫久冷。〔药品〕牡蛎、蛇床子、破故纸、紫梢花、官桂、干荷叶各等分。〔用法〕咀咀，每用一两五钱，清水一小锅，加葱白数茎，煎至八分，去滓，先熏后洗，再用枯矾一两，黄丹、蛤粉各五钱，研为细末，熏洗过后，以手握药末，搽湿痒处。

沥油 即松油。

沥青 松脂之别名。

沥胞生 孕妇临蓐，胞水恶露破尽，致几千涩难下者，宜达生饮去术，倍人参，或神应散。若胞衣破久，其血已涸，元气困急者，急用上好人参两许，当归二钱，煎服，尽则再煎，助其气血，最为得力，或再浓煎葱汤，洗其产户，使上下之气通畅，更以酥油、滑石涂其产门，尤效，若舍此而用催生耗气诸药，则去生远矣。参看〔临产〕条。

沔 渍也。《灵枢·营卫生会篇》：中焦如沔。

沔苳汁 久渍苳麻之水也。〔性质〕与苳麻根同。〔功用〕止消渴。

沔麻汁 久渍黄麻之水也。〔功用〕止渴，消瘀血。

沙木 杉之别名。

沙田柚 柚之产于广西容县者，为柚中佳品。

沙石淋 沙淋、石淋之总称也。

沙米 ①即沙蓬米。②东廬之别名。

沙虫 湘赣上游多有之，生毒蛇鳞甲中，有毒能害人。详〔沙虫水毒〕条。

沙虫水毒 沙虫附毒蛇鳞中，蛇被其苦，每入急流中碾出，人中其毒，三日即死，宜莴苣捣汁饮之，或参用解沙虱毒法治之。

沙沟鱼 即鲨鱼。

沙杏 实味甘而有沙。〔性质〕〔功用〕与杏同。

沙果 林檎之别名。

沙角 菱实之一种，小而色红，而止有两角者，临平湖一带多产之。〔性质〕甘平，无毒。〔功用〕补中，益气，健脾，解酒，压丹石（生食）。〔杂论〕此物味甘香，大补脾土而不滞气。

沙鸡母 湿生虫类。〔形态〕土鳖之属，能旋土成窝。〔功用〕疗口疮（同金墨磨涂）。

沙坪茶 茶之产于四川灌县西北之玉垒山者。〔性质〕〔功用〕详〔茶〕条。

沙苑蒺藜 蒺藜之产于陕西旧同州府境沙苑牧马草地者，结荚长寸许，〔子〕大如脂麻，状如羊肾，而带绿色，与〔茎〕〔叶〕〔花〕，皆可疗疾，各详本条。

沙苑蒺藜子 〔性质〕甘温，无毒。〔功用〕补肾，明目，益精，强阴，充饥（磨粉食），治虚损劳乏、白癫风（为末汤服）、齿衄（为末擦之）、腰痛、泄精、阴痿、痔漏、妇女带下，疗螻蛄尿疮（捣敷）。〔杂论〕此物产自秦中，得漠北之气，性降，入肾肝二经，兼清肺气，为平补之品。但其性温助火，若肾与膀胱偏热，及阳道数举、媾精难出者，均忌之。

沙苑蒺藜叶 〔功用〕治螻蛄尿疮（捣敷）。

沙苑蒺藜花 〔功用〕治白癫风（阴干研末，温酒送下）。

沙苑蒺藜茎 〔功用〕治疥癣、风疮作痒（煮汤洗）。

沙图穆苏 字谦高，元·蒙古人。以御史出为建昌太守，在郡时集《瑞竹堂经验方》五卷。



沙 鱼

沙鱼 〔形态〕产于热带下之海洋，为鱼之胎生，性凶暴无敌，长者达二丈余，体为梭形，后部渐细以达于尾，骨骼柔软，皮厚色黑，鳞为颗粒状，粗糙而坚，口与鼻孔皆在腹面，鳃孔裸出而无鳃盖，胸腹两鳍，阔大如翅，尾鳍两叶，大小悬殊，腹下有洞二，贮水养子，朝从口出，暮还入腹，其鳍曝干名鱼翅，可入饌，鳞皮有珠，可饰刀剑，磨治骨角，〔肉〕〔皮〕〔翅〕〔胆〕，均可疗疾，各详本条。

沙鱼皮 〔性质〕甘咸平，无毒。〔功用〕治吐血、心气、鬼疰、虫气、蛊疰、尸疰、蛊毒、鱼鲙积、食鱼中毒（烧灰水服）、蜈蚣鱼毒（烧灰，研末水服）。〔杂论〕此物味颇肥美，为肴饌之珍品。

沙鱼肉 〔性质〕甘平，无毒。〔功用〕补五脏。〔杂论〕此物作鲙，功同鲫鱼，作鲙鲙食，亦颇益人。

沙鱼胆 〔功用〕疗喉痹（同白矾烧灰为丸，裹绵纳入喉中）。〔杂论〕此物宜腊月收取。

沙鱼翅 〔性质〕与肉同。〔功用〕清痰，托毒，益气，进食，开胃膈，补五脏，长腰力，消鱼积，解蛊毒。〔杂论〕此物补而不滞，为清金滋阴之良品。

沙参 山草类，《本经》上品。〔形态〕多年生草，春生茎，高二三尺，叶为长卵形，端尖，有锯齿，轮生，秋时叶腋开小紫花，花冠为钟状，五瓣，结实大如冬青，中有细子，根折之有白汁，产南省者根短小，曰南沙参，产北方沙地者，根粗大，长尺许，曰北沙参，〔根〕均可疗疾，各详本条。

沙参根 〔性质〕苦微寒，无毒（或作甘微苦）。〔功用〕补中，益气，养阴，清脾肺，长肌肉，宣五脏

风气，除皮肌浮风，排脓，消肿，治寒热、咳嗽、嗜眠、邪气、惊烦、血积、结热、自汗（为末酒服）、头痛、肺火、肺痿、胃痿、心腹痛、身痒、皮热、疝气、小便赤涩、妇人白带（为末米饮下），疗疥癣、恶疮。〔杂论〕此物禀天地清利之气而生，降多于升，属阴，入肺经，兼

入脾肾二经，为补阴泻火之品，治肺经热嗽及肺阴不足者最宜，寒嗽不可用。恶防己，反藜芦。

沙参麦冬汤 《温病条辨》方。〔功用〕治燥伤肺胃阴分或热或咳。〔药品〕沙参、麦门冬各三钱，玉竹二钱，生甘草一钱，冬桑叶、生扁豆、天花粉各一钱五分。〔用法〕清水五杯，煮取二杯，日再服。久热久咳者，加地骨皮三钱。

沙虱 ①湿生虫类，生水中，大如虬，色赤，有毒能害人，详〔沙虱毒〕条。②即石蚕之第一种。

沙虱毒 雨后人行沙上，为沙虱所螫，如毛发刺入，视皮上有赤点如米，不治则渐入骨，令人寒热生疮，能杀人。治法如下：（1）用茅根、竹叶刮去赤点，再以苦苣汁涂之。（2）盐五合，水一升，煮一沸洗之。（3）盐和麝香涂之。（4）凡遇生此虫处，每出外归后，必以火炙身，则虫随火去，不复为害。

沙孤 谷类。〔形态〕产于暹罗等处，树如蕉而中空，取其里皮削之，以水捣过为粉，和之为丸，大如绿豆，可以代谷，名沙孤米，有功用，详本条。

沙孤米 〔功用〕运胃，健脾，醒酒。〔杂论〕此物助益消化，功效最捷，久病虚乏者，食之最宜。以色紫柔滑、煮之不化者为真，今多以葛粉伪充，不可不辨。

沙淋 此证茎中有沙涩痛，尿卒不易出，尿于盆中验之，必有细沙沉底，此由膀胱为阴火煎熬，津液凝结，故轻则为沙，重则为石，宜二神丸，参看〔淋〕条。

沙鹿 麋之别名。

沙黄 海藤花蕊之散落石上者。详〔海藤〕条。

沙萝卜 胡萝卜之属，根长二尺许，大者径寸，下支生，小者如箸，其色黄白，味辛而微苦。〔功用〕详〔胡萝卜〕条。

沙犀 即兕犀。

沙葱 荜葱之生于沙地者。〔形态〕产于口外，生沙石中，茎细如草茎，攒生甚密，叶似家葱而中空，根大如鸡卵，似蒜头而味辣尤甚，腌之调羹，味胜于韭，于雉羹免羹，尤为相宜。〔根〕可疗疾（又有沙葱草，与此相似，误食之能令人心迷乱，马食之则腹隐痛，惟宜与橐驼。采者折以辨之，沙葱本脆，折之易断，此草柔韧难折，可以分别），详本条。

沙葱根 〔功用〕宽中，下气，消食，解肌，活血，发汗，散风寒，涤宿滞。

沙棠 乔木类。〔形态〕生于山中，木状如棠，花黄〔实〕赤，味如李而无核，可疗疾，详本条。

沙棠实 〔性质〕甘平，无毒。〔功用〕治水病。

沙蛤 西施舌之别名。

沙蓬 ①谷类。〔形态〕产张家口内保安沙城，及西套蒙古等处，凡沙地多生之，苗茎如麻，叶类艾而



沙 参

稍圆，有刺，高尺许，丛生，实如蒺藜，生子成房，粒细如黍，〔米〕似胡麻而小，又如稗子，可疗疾，详本条。⑤东腐之别名。

沙蓬米 〔性质〕甘温，无毒。〔功用〕清热，消风，益脾胃，利大肠，消宿食，治噎膈、反胃，多食益人，令人不饥（同羊羹食）。〔杂论〕此物性暖，易于消化，甚益脾胃，胃弱易呕之人，多食最有益；杵去皮用，同羊羹作食，并能令人不饥，作为粥，滑腻可口，屑可充饼饵茶食之需。

沙蜂 即石蚕之第一种。

沙糖 〔制法〕取蔗汁，加石灰热之，使之蒸发，结晶即成。〔性质〕甘寒，无毒（或作温，一说冷利过于石蜜）。〔功用〕和中，助脾，缓肝气，治天行狂热（用腊月窖粪坑中者绞汁服）、口渴、心腹热胀、大小肠热，润心肺，解酒毒，疗食韭口臭、痘痂不落（新汲水调服）、虎咬伤疮（水化服并涂）。〔杂论〕此物为和脾缓肝之品，然性温热，多食令人损齿、发疳蟹、消肌肉、生长虫、心痛、同鲫鱼食成疳虫，同葵食生涌癖，同笋食不消、成瘕、身重不能行。

沙橘 橘实之细小甘美者。〔功用〕与寻常橘同。

沙鳢 即鲨鱼。

沧 寒甚也。《灵枢·师传篇》：寒无沧沧。

沃 痢也。《素问·至真要大论》：下沃赤白。

沃沫 口涎涌出也。《灵枢·邪气藏府病形篇》：食饮入而还出，后沃沫。《颠狂篇》：呕多沃沫。

沃泉 泉之由山岩悬出者也。〔性质〕〔功用〕与山岩泉水同。

沃衍 灌溉满溢也。《素问·五常政大论》：其用沃衍。

沃涌 沸腾貌。《素问·五常政大论》：其动漂泄沃涌。

沃雪汤 《沈氏尊生书》方。〔功用〕解利四时伤寒，温表和里，通顺阴阳。〔药品〕苍术三钱，厚朴一钱五分，川芎、当归、防风、白芍、陈皮、葛根、甘草各七分。〔用法〕清水煎服。

没石子 即无食子。

没石子丸 ①钱乙方。〔功用〕治小儿疳痢、腹痛、便秘、尿浊。〔药品〕没石子一枚（一作二枚），南木香（湿纸包，略煨）、黄连（锉碎，姜汁炒）各二钱五分，肉豆蔻二枚（炮），诃子四枚（炮，去核，一作三枚）。〔制法〕研为细末，加乌犀丸内，米饭糊丸，如粟米大。〔用法〕每服十丸至三十丸，或五十丸，空腹时米饮或温白汤送下，量儿大小加減。②《证治准绳》方。〔功用〕治小儿因泻变赤白及五色痢，面或青或白，唇干舌焦，手冷身热，腹痛。〔药品〕没石子、木香、黄连、当归、青皮各二钱五分。〔制法〕研为细末，加阿魏一分，酒半盏，浸化，入面少许，令匀，煮糊为丸，如粟米大，或如椒目大。〔用法〕一二岁儿服如粟米大，四五六岁儿服如椒目大，每服五十丸。赤痢甘草汤送下，白痢干姜汤或五倍子汤送下。

没多僧 即密陀僧。

没药 香木类，产阿拉伯等处。〔形态〕灌木，丛生，干大如松，皮厚一二寸，叶为复叶，青而密，花冠四片，实为核果，端甚尖，茎中渗出黄汁如乳，干之成赤黑色之块，名没药脂，可疗疾，详本条。

没药丸 《证治准绳》方。①〔功用〕治产后心胸烦躁，恶血不快。〔药品〕没药（另研）、蜜姜、延胡索、干漆（炒）、当归、桂心、牛膝、牡丹皮、干

姜各等分。〔制法〕研为细末，醋煮面糊和丸，如梧桐子大。〔用法〕每服十丸至十五丸，神曲煎汤送下。②〔功用〕治产后恶露忽断，骤作寒热，脐腹百脉痛如锥刺。〔药品〕没药（另研）、桃仁（去皮尖，炒，另研）各二钱五分，当归一两，桂心、白芍药各五钱，虻虫（去足翅，炒）、水蛭（炒焦）各三十枚。〔制法〕研为细末，醋煮米糊和丸，如豌豆大。〔用法〕每服三丸，淡醋汤送下。③〔功用〕治中石疽、打扑内损、筋骨疼痛。〔药品〕没药、乳香、川芎、川椒（去目及合口者）、赤芍药、当归各五钱，自然铜（火烧，醋淬七次）二钱五分（一方有桃仁一两，炒）。〔制法〕研为细末，黄蜡二两，熔开，入药末，不住手搅匀，丸如弹子大。〔用法〕每服一丸，好酒一盅化开，煎至五分，乘热服下，随痛处卧，连服二三丸，立效。

没药脂 〔性质〕苦平，无毒（或作辛）。〔功用〕通瘀血，散结气，消肿，定痛生肌，治目翳、宿血、损伤、瘀血、晕痛、心胆虚弱、肝血不足、癰疽、痔漏、妇人堕胎、下血、血运、腹痛（研末酒服）、产后血气痛（酒煎服）、经水作禽兽形（绵塞阴户研末，汤调服），疗肤赤、金疮、杖疮、筋骨损伤（同米粉炒，酒调膏贴）、诸恶疮。〔杂论〕此物禀金水之气而生，性降属阴，入肝经，兼通十二经，为散血消肿、定痛生肌之良品。以出于南番色赤类琥珀者为佳。〔制法〕同乳香，然骨节胸腹肋助诸痛、非由血瘀而由血虚者，产后恶露去多、腹中虚痛者，痼疽已溃者，目赤肤翳、非血热甚者，均忌之。

没药散 ①《博济方》方。〔功用〕治妇人血气疼痛不可忍者。〔药品〕没药（另研）、红花、延胡索（炒）、当归各等分。〔用法〕研为细末，每服二钱，童便黄酒各半盏，同煎至六分，热服，或用烧赤秤锤，淬过调服亦可，常服只用温酒。②张洁古方。〔功用〕止杖疮痛，令疮不移。〔药品〕没药、密陀僧、乳香各一两，干胭脂一两五钱，腻粉五钱。〔用法〕研为细末，次入龙脑少许（若多更妙），烧葱与生羊髓，同研如泥，摊在绢帛上，贴之。③《证治准绳》方。①〔功用〕治风冷搏于肺脏，上攻鼻痛者。〔药品〕没药、干蝎（去土，炒）、天南星（炮）、白附子（炮）、雄黄（另研）、当归（焙）、丹砂（另研）、胡黄连、牛黄（另研）、麝香（另研）、白芷、官桂（去皮）、丁香、甘草（炙）各二钱五分，乌蛇（酒浸，去皮骨，炙）五钱。〔用法〕研为细末，和匀，每服五分，温酒调下，早晚二次。②〔功用〕治风毒走注疼痛，四肢麻痹。〔药品〕没药（另研）、五加皮、干山药、桂心、防风（去芦）、羌活（去芦）、白附子（炮）、骨碎补（去毛）、香白芷、苍耳（炒）、自然铜（醋炙）各五钱，血竭（另研）二钱五分，虎胥骨（醋炙）、败龟（醋炙）各一两。〔制法〕研为细末，令匀，酒煮面糊为丸，如梧桐子大。〔用法〕每服二十丸，空腹时温酒送下，一日二次。③〔功用〕治遍身百节风虚劳冷，麻痹困弱，走注疼痛。〔药品〕没药二两（另研），虎骨四钱（醋炙）。〔用法〕研为细末，每服三五钱，不拘时温酒调下，一日二次。④〔功用〕治妇人一切血气脐腹撮痛，产后儿枕块痛。〔药品〕没药、血竭、桂心、玄胡索、当归、蒲黄、红花、干漆（炒烟尽）、木香、芍药各等分。〔用法〕研为细末，每服二钱，食前温酒调下。⑤〔功用〕治妇人血风走注，肢节疼痛，发时往来不定。

〔药品〕没药（另研）、乳香（另研）、芎藭、当归（炒，去芦）、桂心、漏芦（去芦）、木香各五钱，白芷、琥珀（另研）、地龙（去土，微炒）各七钱五分，安息香（另研）、麝香（另细研）各二钱五分。〔用法〕研为细末，入研药拌匀，每服一钱，不拘时温酒调下。⑥〔功用〕治白口疮。〔药品〕没药、乳香、雄黄各一钱，轻粉五分，巴豆霜少许。〔用法〕为末掺之。

没药降圣丹 《证治准绳》方。〔功用〕治荣卫虚弱、筋骨缓纵、皮肉刺痛、肩背拘急、体倦少力，及打扑损伤，筋断骨折、挛急疼痛、不能屈伸者。〔药品〕没药（另研）、当归（酒洗焙）、白芍药、骨碎补（煨，去毛）、生川乌（去皮脐）、自然铜（火煨，醋淬十二次，研为末，水飞过，焙）各一两，生地黄、川芎各一两五钱。〔制法〕研为细末，生姜自然汁与炼蜜和丸，每一两作四丸。〔用法〕每服一丸，捶碎，水酒各半盅，加苏木少许，煎至八分，去苏木，空腹时服。

没药除痛散 《证治准绳》方。〔功用〕逐寒邪，治腹痛。〔药品〕没药、当归（焙）、玄胡索、五灵脂、肉桂（去粗皮）、高良姜（炒）、蒲黄（炒）、甘草（炙）各五钱，蓬莪茂（炮）一两。〔用法〕研为末，每服五钱，温酒调下。

没香 即蜜香。

灾怪 药与脉证相对而反生变异也。《伤寒论》：假令人病脉得太阳，与形证相应，因为作汤，比还送汤如食顷，病人乃大吐，若下利腹中痛，前来不见此证，今乃变异，是名灾怪。或有旧时服药，今乃发作，故名灾怪也。

灾眚 灾祸也。《素问·六元正纪大论》：灾眚时至。

完肌散 《证治准绳》方。①〔功用〕治金疮。〔药品〕陈石灰二两，黄丹五钱，龙骨、密陀僧、桑白皮各四两，麝香一钱（另研）。〔用法〕研为细末，干掺患处。②〔功用〕生肌，长肉。〔药品〕定粉、枯矾、黄连、乳香、龙骨各二钱，黄丹、轻粉各一钱。〔用法〕研为极细末，贴疮上。

完带汤 《傅青主女科》方。〔功用〕治白带下。〔药品〕白术一两（土炒），山药（炒）一两，人参二钱，白芍药（酒炒）五钱，车前子（酒炒）、苍术（制）各三钱，甘草一钱，陈皮、荆芥穗（炒黑）各五分，柴胡六分。〔用法〕清水煎服，二剂轻，四剂止，六剂全愈。〔杂论〕此方脾胃肝三经同治之法，寓补于散，寄消于升。开提肝木之气则肝血不燥，何至下克脾土；补益脾土之元，则脾气不湿，何难分消水气；至于补脾而兼以补胃者，由里以及表也，且非胃气之强，则脾气不旺，是补胃正所以补脾耳。

完骨 《灵枢·骨度篇》：耳后当完骨者，广九寸。按：此骨共二块，在司正纳邪二骨后，无势无髓。

完骨穴 《素问·气穴论》：完骨二穴。按：此穴属足少阳胆经，在耳后入发际四分，为足少阳太阳之会。主癫疾、口眼喎斜、牙车急、喉痹、齿齲、颊肿、头面肿、颈项痛、头风、耳后痛、烦心、足痿不收、小便赤黄。《铜人》：针三分，灸七壮。《素注》：留七呼，灸三壮。《明堂》：针二分，灸以年为壮。

完骨伤 此骨如有损伤，则耳之上下俱肿，耳内禁骨亦伤，流血脓水，耳外瘀聚凝结，疼痛筋结，不能舒通，以致头晕眼迷、两太阳扶桑骨胀痛、颈项筋强、虚浮红紫、精神短少、四肢无力、坐卧不安、

饮食少进，以乌龙膏敷耳伤处，用丝绵裹导气通瘀，铎塞耳内，内服人参紫金丹，通瘀散肿，外再以八仙逍遥汤薰洗，消散虚浮肿痛。忌食热物发物。如血流不止，三日不饮食者，是脑髓亦已损动，无可施治矣。

完胞饮 《傅青主女科》方。〔功用〕治产妇胞胎被伤，淋漓不止。〔药品〕人参一两，白术十两（土炒），茯苓三钱，生黄芪五钱，当归一两（酒炒），川芎五〇钱，桃仁（泡、炒、研）十粒，红花一钱，益母草三钱，白及末一钱。〔用法〕用猪羊胞各一个，先煎汤后煎药，俟饥服，十剂愈。〔杂论〕夫胞损宜用补胞之药，何以反用补气之药乎？盖生产而至于以手探试，伤损胞胎，则其为难产必矣；难产本由于气血之虚，即产之后，是虚而又虚矣；因虚而损，复因损而益虚，若不补其气与血，则胞胎之破，安能复完乎？

完善丸 〔功用〕治痔漏，去管，生肌。〔药品〕夏枯草八两，甘草节、连翘（去子）各四两，银花三两。〔制法〕研细末，另以金银花一斤，煎浓汤为丸，如绿豆大。〔用法〕每服三钱，空腹时淡盐汤送下，初起一料全愈，久者两料除根。

宋人十六味桔梗汤 〔功用〕治肺壅实热，唾秽痰。〔药品〕桔梗汤加薤苡、贝母、当归、桑白皮、瓜蒌仁、百合、枳壳、葶苈、五味子、地骨皮、知母、防己、黄芪、杏仁。〔用法〕与桔梗汤同。

宋子京 明·黄冈县人。学举子业不售，去而习医，久之悟《素问》、《灵枢》，六腑内外，穴穴相应，又心智洞朗，一望而知人病之所以。有巡道无他病，但不能食，郡守以子京进，子京曰：且无往，当先观之。巡道出，子京从舆上一观，乃敝衣冠垢污而进，巡道不悦，出而语人曰：病瘳矣。次日呼子京入，则美其衣冠，巡道曰：昨日不如此，大致余怒。子京曰：昨日垢敝，乃医公者也。公生平常得喜病，一怒而喜消，病愈便能食矣。见早棺往葬者漏血一滴，子京曰：此可生也。问之则妇以难娩死，呼夫至开棺，一针其穴娩一男，母子俱全。前郡守在黄，子京视脉曰：十年后当领西城节钺，然当坠下颏。至十年后抚蜀，果病，且两月，急走人邀子京治，子京至，入署交拜，以手掖抚军起，而下颏已上矣。

宋半夏 半夏根之以宋氏法制者，其性质与仙半夏相近，而半法半夏为纯，体虚有痰者宜之。

宋会之 元·钱塘人。精于医，治水蛊，辟于丝瓜入巴豆十四粒同炒，独用瓜炒陈仓米而去之，研成丸，服百粒，其言曰：巴豆逐水，瓜象人络，仅借为引，而以米投胃气，是深知医者。

宋邑 汉·临淄人。率性爱人，志尚医术，就齐太仓公淳于意，学五诊脉论之术，为当世良医。见《史记·扁鹊仓公列传》。

宋陈皮 即青盐陈皮，以其为宋氏所创制，故名。

宋侠者 《旧唐书·本传》：洺州清漳人，以医术著名，官至朝散大夫药藏监。撰《经心录》十卷。

宋彦举 《癸辛杂识》：赵子昂云：北方有宋彦举者，针法通神，又能运气，谓初用针即能觉热，自此流入经络，顷刻至患处，用补泻之法治之，则病愈而气血流行矣。

宋祥麟 清人，著《痘疹正宗》二卷。

宋清 唐时人，卖药于长安西市，朝官出入移贬，清辄卖药送迎之，贫士请药，常多折券，人有急难，倾财救之，岁计所入，利亦百倍，长安言人有义声，卖药宋清。

宋道方 字毅叔，宋时人。以医名，居南京，然不肯赴召，病者扶携以就诊，无不愈者。政和初，田登守郡，母病危，呼之不至，登怒曰：使吾母死，亦以忧去，杀此人不过斥责。即遣人禽至廷下，呵之云：三日之内不痊，则吾当诛汝以徇众。毅叔曰：容为诊之。既而曰：尚可活。处以丹剂，遂愈，田甚喜，用太守之车从妓乐，酬以千缗，俾群卒负于前，增以綵酿导引还其家，旬日后，田母病复作，呼之则全家遁去，田母遂殂。盖其疾先在膏肓，姑以良药迟其死耳。

宋穆 字宾于，号枳田，清山阴人，著有《万方类纂》。

究原五物汤 《外科集验方》方。〔功用〕治痈疽、发背、乳痈。〔药品〕瓜蒌（研）一枚，皂角刺（半烧带生）、没药各五钱，乳香、甘草各二钱五分。〔用法〕研为粗末，以醇酒三升，煎取二升，时时饮之，痛不可忍，立止。

究原双补丸 《易简方》方。〔功用〕治虚损劳伤，面黑唇干口燥，目暗耳鸣，夜梦惊恐，四肢酸痛。〔药品〕鹿角霜三两，黄芪（炙）、沉香、熟地黄（洗，再蒸）、菟丝子（酒浸蒸焙）、覆盆子（去枝蒂）、人参（去芦）、宣木瓜、白茯苓（去皮）、五味子（炒）、薏苡仁（炒）、肉苁蓉（酒洗浸）、石斛（去根炒）、当归（去芦，酒浸）、泽泻（去土，蒸）各一两，麝香一钱（另研），朱砂五钱（为衣，另研）。〔制法〕研为末，炼蜜和丸，如梧桐子大。〔用法〕每服七十丸，空腹时盐汤送下。

穷骨 《灵枢·癫狂篇》：穷骨者，骭骨也。

穷拙 （拙，音屈）气尽而语塞也。《灵枢·刺节真邪篇》：其咳上气穷拙。

牢牙散 ①李东垣方。〔功用〕治胃火上炎，齿牙不固，或齿龈肿痛。〔药品〕升麻（一作四分）、羌活（一作一钱）、羊胛骨灰（一作地骨皮一钱）各一两，龙胆草（酒洗）一两五钱。〔用法〕研为细末，以纱罗子罗骨灰作微尘末，和匀，卧时贴在牙龈上，或先以湿水漱口，用少许搽之。②《证治准绳》方。〔功用〕治齿牙无力嚼物。〔药品〕升麻三钱（一作二钱），生地黄、石膏各一钱，白茯苓、玄参（一作人参）各五分，羊胛骨灰（一作二钱）、梧桐泪各三分，黄连一钱三分（一作一钱），麝香少许（另研）。〔用法〕研为细末，和匀，每用少许，临卧擦牙，复以温水漱口。

牢牙地黄散 李东垣方。〔功用〕治牙疼、脑寒痛。〔药品〕生地黄、熟地黄、防己、人参、羌活各三分，麻黄、黄连、羊胛骨灰各一钱，升麻一钱五分，草豆蔻一钱二分，吴茱萸八分，益智仁、当归身各四分，藁本二分，黄芪、白芷各五分。〔用法〕研为末，先漱口净，以药擦患处。

牢脉 沉而有力者也。其象似沉似伏，按之动而不移，若牢固然。见于关者为木乘土位，主心腹寒痛；见于尺者多癰疽痼瘕之证，大抵里实表虚、胸中气促、劳伤痿极，始见此候，如失血人患之必死，以虚病转成实脉故也。

牢鞞 （鞞音昂）履头也，言硬肿如履头之突起也。

牢濡 脉来坚实或濡滞也。《难经·七十九难》：所谓实之与虚者，牢濡之意也。

辛 ①属天干者。《灵枢·阴阳系日月篇》：辛主右手之太阴。②属五味者。《素问·藏气法时论》：肾色黑，宜食辛，黄黍、鸡肉、桃、葱皆辛。《生气通天论》：味过于辛，筋脉沮弛，精神乃央。《灵枢·

五味论》：辛走气，多食之，令人洞心。〔又〕辛入于胃，其气走于上焦，上焦者，受气而营诸阳者也，姜韭之气薰之，营卫之气不时受之，久留心下，故洞心，辛与气俱行，故辛入而与汗俱出。按：辛入肺，其性横行而散，故为发汗之品。

辛化 味化之一。因金司地气，故物之辛者先化。

《素问·至真要大论》：阳明在泉为辛化。

辛乌散 《重楼玉钥》方。〔功用〕治喉风。〔药品〕细辛五钱，草乌、赤芍梢、紫荆皮各一两，桔梗、荆芥穗、甘草、连翘、皂角、小生地各五钱，柴胡三钱，赤小豆六钱。〔用法〕诸药不宜见火，置日中晒燥，研为细末，收入瓷瓶，勿令走气，临用以冷水调，噙口内，取风痰如神。若痰涎极盛，加摩风膏浓汁四五匙，其力愈速，凡颈项及口外红肿，即以此散敷之，亦可作洗药，以荆芥同煎水，频频洗之，洗后仍调敷上。若悬痈风，加南星末少许。

辛夷 香木类，《本经》上品。〔形态〕落叶乔木，叶似柿叶而狭长，春初开花，苞长半寸，尖锐如笔，苞外有青黄茸毛，重重顺铺，长半分许，有紫白二色，亦有桃红色者，大如莲花，香味馥郁，与玉兰相似，惟六瓣而短阔，不似玉兰之九瓣而长耳。〔苞〕可疗疾，详本条。



辛 夷

辛夷丸 《证治准绳》方。〔功用〕治头风鼻涕下如白带。〔药品〕辛夷、南星（姜制）、半夏（姜制）、苍术（米泔浸）、黄芩（酒炒）、川芎、黄柏（炒焦）、滑石、牡蛎（煅）各等分。〔制法〕研为末，水煮米糊和丸，如梧桐子大。〔用法〕每服三钱，薄荷汤送下。

辛夷汤 《证治准绳》方。〔功用〕治肺气不利，头目昏眩，鼻塞声重，咯吟稠黏。〔药品〕辛夷（去毛）、川芎、白芷、甘菊花、前胡、石膏、白术、生地黄、薄荷、赤茯苓（去皮）、陈皮（去白）各一两，甘草（炙）二两。〔用法〕吹咀，每服五钱，清水一盏半，煎至一盏，去滓，食远温服。

辛夷苞 〔性质〕辛温，无毒。〔功用〕宣散上焦风热，通关脉，利九窍，温中，解肌，治阳气郁遏、五脏身体寒热、憎寒、体噤、昏眩、头风、脑痛、面肿、鼻渊、鼻塞、鼻衄、鼻窦、涕出、齿痛，生须发，泽面目，去面黥，杀白虫，止痒痒，疗鼻疮、痘后鼻疮（研末，入麝香少许，葱白蘸入），久服轻身下气，明目，耐老延年。〔杂论〕此物禀春阳之气而生，性升属阳，能助胃中清阳上行，达于头脑，逐阳分之风邪，入肺胃二经，为辛香走窜之品（为肺胃气分药）。〔制法〕剥去毛瓣，取仁微焙用。川芎为使，恶五石脂、菖蒲、蒲黄、黄连、石膏、黄环。惟虚人偶感风寒而鼻塞者忌之，若头痛属血虚火炽，齿痛属胃火者，服之转甚。

辛夷散 ①《三因极一病证》方。〔功用〕治鼻塞脑冷，清涕不已。〔药品〕辛夷、细辛、川椒、干姜、川芎、吴茱萸、附子各七钱五分，皂角屑五钱，桂心一两，猪油六两。〔用法〕煎猪脂成膏，苦酒浸诸药，取入油煎，附子黄色为止，以绵裹塞鼻中。②《证治准绳》方。〔功用〕治鼻塞涕出不已，或

气息不通，不闻香臭。〔药品〕辛夷、川芎、木通（去节）、细辛（洗去土）、防风（去芦）、羌活、藁本（去芦）、升麻、白芷、甘草（炙）各等分，苍耳子减半（一方无羌活、苍耳子）。〔用法〕研为细末，每服二钱，食后茶清调下。

辛夷膏 张涣方。〔功用〕治鼻生瘖肉，窒塞不通，有时疼痛。〔药品〕辛夷叶一两（洗焙干，一作三两），细辛、木通、白芷、木香各五钱，杏仁一钱（汤浸，去皮尖，一作五钱）。〔制法〕研为细末，用羊髓、猪脂各二两，同诸药相和于石器中，慢火熬成膏，至赤黄色，放冷，入龙脑、麝香各一钱，拌匀。〔用法〕每用少许，绵裹塞鼻中，数日内脱落即愈。若乳下婴儿，奶母吹着儿肉鼻塞者，只涂肉上。

辛夷荆芥散 《沈氏尊生书》方。〔功用〕治鼻流清涕。〔药品〕辛夷一钱，荆芥、黄芩、神曲、南星、半夏、白芷、苍术各八分。〔用法〕研为散，清水煎服。

辛夷消风散 《沈氏尊生书》方。〔功用〕治风湿蒸、瘖肉。〔药品〕辛夷、黄芩、薄荷、甘菊花、川芎、荆芥、桔梗、防风、甘草、生地、赤芍药。〔用法〕研为散，清水煎服。

辛夷清肺饮 《医宗金鉴》方。〔功用〕治鼻痔。〔药品〕辛夷六分，生甘草五分，石膏（煨）、知母、生栀子（研）、黄芩各一钱，枇杷叶三片（去毛，蜜炙），升麻三分，百合、麦门冬（去心）各一钱。〔用法〕清水二盅，煎至八分，食远服。一方加羌活、防风、连翘、薄荷。

辛润汤 《沈氏尊生书》方。〔药品〕熟地、生地、升麻、红花、甘草（炙）、槟榔、当归身、桃仁。〔用法〕清水煎服。

辛商 于十干属辛金，于五音属商也。《难经·三十三难》：肺者，非为纯金也，辛商也。

辛菜 芥之别名。

辛颞 鼻两旁酸病也。《素问·气厥论》：胆移热于脑，则辛颞鼻渊。

辛雉 即辛夷。

言医 清·裴一中撰。前有顺治间赵善鸣序文，其议论多着重医生方面，于温凉补泻诸法，持论多精，足为攻医者之良助。

言医选评 一卷，清·王士雄撰。选录裴一中《言医》之精要者，刊入《潜斋医学丛书》内，而加以评语者也。裴书已多切中近世之弊，士雄固精于医者，更选而刊之，则其精粹可知也。

言骨 一块，在盖骨之前，有势无髓，其上复合于骶骨。

冻产 十产之一。因严寒临蓐，经血凝滞，故胎不能下，宜急于房中安置火炉，下部不可脱去绵衣，令其背身向火，使脐下腿腹间常得暖气，则血气流通，儿自易下矣。参看〔临产〕条。

冻死 冬月或溺水，或被冻致受寒极深，肢直口噤，不省人事者。但胸前微温，皆属可救。其法如下：（1）以大锅炒灰令暖，盛以布袋，频熨心脏前及腕腹等处，冷则易之，俟口目能开，再用灌法。若肢直口噤有微气者，用生半夏末如豆大，吹少许入耳鼻内。（2）以棉被或毛毡或草荐，裹其全体，置平稳处，系以绳索，令二人互相推转，使之滚转往来，俟口目能开，或四肢转温，再用灌法。（3）灌法：以生姜（连皮捣碎）、陈皮二味浓煎，或温酒亦可，以之频频掺入，不可过急，致胃中不能承受。（4）

切忌骤熏热火，骤近热汤，皆足使体内寒热激争，绝其生气。（5）雄黄、焰硝等分为末，点两眼内角。（6）冻者或微笑，必急掩其口鼻，否则笑不止而生气绝；又见灯火光亦必大笑，笑则不可救，故虽夜间救护，亦宜留意。

冻青 即冬青。

冻疮 此证由触犯严寒，气血凝结，以致肌肉硬肿，遇寒则痛，遇热则痒，耳边面庞及手足指等处最易得之，肿硬不消，继以溃烂，须至天暖血和，方能自然收口。治法如下：（1）初起时即于著冻处多加揉搓，令气血活动，次用凉水频洗，觉僵木处通活如故方止；若日久冻僵，疙瘩不散，则用绢包冰块焐之，以僵块化尽为度，若用火烘汤泡，使之寒热频激，必致肉死形损，轻则肌肉溃烂，重则骨脱筋连，急宜剪去其筋，以免浸淫好肉。初起内服，宜人参养荣汤加醇酒；溃烂外治，照痈疽溃瘍例；甚至经年不愈者，则以独胜膏敷之。（2）以阳和解凝膏贴之，一夜即愈，溃烂者三张收功。（3）未溃者用黄柏末七分，皮硝三分；已溃者用黄柏末三分；皮硝七分，均以冷水调敷。（4）柏叶三两（微炙为末），杏仁四十九粒（汤浸去皮，研成膏），乱发两鸡子大，食盐、乳香各五钱（研细），黄蜡一两五钱，清油一斤，先煎油令沸，即下乱发，以消尽为度，次下诸药，滤去渣，更以绵重滤过，再以慢火煎之，后下乳香、黄蜡等，搅令稠稀适中，盛瓷器中，用鹅翎蘸涂患处。（5）柏白皮、榆白皮、桑白皮、杏仁（汤浸，去皮）各二两，甘草一两，共锉细，以羊脑髓八两，煎药令黄，滤去渣，盛瓷器中，每以鹅翎蘸涂患处。（6）用桐油八两，白蜡、黄丹各一两，熬膏贴之。（7）五倍子、牛鼻中绳（煨灰）各等分，研末，填冻裂处。（8）松香一两，黄蜡二两，麻油三两，熬匀，瓦罐收贮，先以热汤洗令皮软，拭干，将药于慢火上化痒涂之。（9）陈石灰、黄狗尿（露天久而色变白者，用炭火煨过）各等分，研细，麻油调敷。（10）糖塔饼，勺内炒成灰，研末，加冰片少许，干掺之。（11）败荷叶梗（烧存性）、头垢、桐油熬膏，临用切成小条塞疮内。（12）生姜（捣汁）、红糟、食盐、腊猪油共研烂擦之，初觉痛，少顷便软，再涂即愈。（13）橄榄核烧灰存性，研末，加轻粉少许，香油调搽。（14）熬熟桐油，调密陀僧末敷。（15）五倍子研末，牛骨髓调敷。（16）麻雀脑涂之。（17）腊月羊油悬屋内，日久熬涂。（18）白及末调敷。（19）羊屎煨存性，沙糖调敷。（20）狗骨煨存性，研末，香油调敷。（21）陈蜡烛油同白蜡涂之。（22）棉花烧灰掺之。（23）油胭脂涂之。（24）玉红膏搽之。（25）旧貂毛，煨存性敷之。（26）先用萝卜、橘皮煎汤洗，再用蟹壳，或蚶壳，煨研细，菜油调涂。（27）鱼胶熬化涂之，以膏药贴之，疮平自落。（28）以楝树果煎汤淋洗，并以楝树果擦之，神效。（29）秋茄根煎汤，乘热洗之。（30）白及二两，煎汤淋洗，洗后以橄榄核烧灰敷之。（31）荆芥煎汤洗之。（32）猪脑子加热酒洗之。（33）糟汤煎热洗之。（34）生姜熬汁涂之。（35）鲜蚕豆梗叶煎汤洗之。（36）甘草、甘遂煎汤洗之。（37）腌菜卤煎热洗之。（38）鸽粪煎汤洗之。（39）胡椒煎汤淋洗，拭干，再用胡椒末研细掺上，新棉包裹，用布扎好，立愈。（40）冻疮未破者，用白矾（研末）一钱，百沸汤半盅，搅和，鸡毛扫涂，烘干擦去白屑，再扫再烘，药尽自愈。（41）用樱桃汁擦上年生冻疮之肌肉上，

则入冬不复生疮。(42)暑伏时捣大蒜为泥,敷在上年生过冻疮处,过一日一夜洗去,迟三四日可再敷一次,则是冬虽极寒,亦不生疮。(43)冬初用杏仁、天花粉各一两,红枣十枚,猪胰三副,共捣如泥,用好酒四杯,浸瓷器内,早晚擦手及头面,则不生冻疮。

冻琼枝 石花菜之别名。

冻鳞出谷 痘前十八犯之一。此证因儿误持刀刃,手足受伤,寒热往来而痘随见,宜用活血兼升托之剂。

状元子 山蚊子之别名。

应声虫 此虫居人腹中,人作声则效之,治宜雷丸、锡灰、蓝汁之属。

应条 蛭螯之别名。

应急良方 一卷,明·胡文煥撰。

应效散 《证治准绳》方。〔功用〕治气痿、甘蚀疮,多年不效者。〔药品〕地骨皮不拘多少(冬月取,阴干)。〔用法〕研为细末,每用少许,纸捻蘸疮口内,自然生肉,再内服二钱,不拘时米饮调下,每日三次。

应候 疔疮之外他处又生小疮也。如疔疮只生一粒,而他处无小疮者,谓之无应候,法不治。

应梦人参散 《太平惠民和剂局方》方。〔药品〕甘草(炙)六两,干姜(炮)五钱五分,人参、桔梗、青皮、白芷、干葛、白术各三两。〔用法〕每服三钱,清水一盏,加生姜二片,大枣二枚,煎至七分,不拘时热服。

应痛丸 《证治准绳》方。⊖〔功用〕治折伤后,为四气所侵,手足痛者。〔药品〕破故纸、骨碎补(去毛)、生苍术、草乌头(用生姜一斤,搯烂,同淹两宿,焙干)各八两,穿山甲(去膜,桑柴灰炒,泡起为度,柴灰亦可)、舶上茴香(炒)各六两。〔制法〕共研末,酒煮面糊为丸,如梧桐子大。〔用法〕每服五十丸,温酒或米汤送下,忌热物片时。⊕〔功用〕治走注疼痛,似附骨疽者。〔药品〕苍术(去皮)、当归、黑牵牛、草乌头(炮)各一两。〔制法〕共研细末,醋糊为丸,如小豆大。〔用法〕每服三十丸,空腹时醋汤送下。

应痛散 《证治准绳》方。〔功用〕治心脾痛不可忍,及妇女血气作痛。〔药品〕即应痛丸之第一方作散服。〔用法〕醋煎,或醋汤点亦可。

冷 体内有寒也。为审病八要之一,如外感之寒,则以辛热、辛温散之;内虚之寒,则以甘温益之,辛热、辛温佐之。

冷水金丹 《疡医大全》方。〔功用〕治伤寒发汗,痰痞老痰,翻胃嗜食,疔肿毒恶疮。〔药品〕海浮石、飞罗面各三两,乳香(去油)、没药(去油)、牛蒡子各一两,冰片、麝香各一钱。〔制法〕用蟾酥三钱七分五厘,酒浸化为丸,如绿豆大,辰砂(飞过)五钱为衣。〔用法〕轻者每服一丸,重者三丸,牙痛只用一丸,均冷水送下。忌食鸡、鱼、小米一日,戒烦恼、劳心之事。

冷风 此证由肾脾俱虚,风湿之邪侵入肢节,盈溢肌肉,初起麻木不仁,或时冷痛,或肢节酸疼,遇冬则伏床不起,宜奇效丹、正阳丹、还真丹、乳香搜风丸之属。若不急治,久则气血不行,发泡穿烂而死。

冷石 即滑石。

冷汗 所出之汗寒冷如水也,宜各随证施治。详〔汗〕条。

冷疔 此证由寒湿凝结而成。生于足跟,形如枣栗,紫白起泡,疼痛彻骨,渐生黑气,腐烂孔深,时流血水,气秽不敛,宜用神灯照法照之,铁粉散敷之,兼服补剂。如不愈,用白油膏即效。初起时用鸽粪煎汤,置盆内,上用箴篮罩之,四周以旧衣围住,仅留少许透气,置足于上熏之,冷则再易,至不痛为度,上覆消疔膏。参看〔疔疮〕条。

冷庐医话 五卷,清·陆以湑撰。凡医学之派别,医书之善否,医家病家所当知之事,以及病证药性诊察治疗保摄之力,随意论列,语多精审。

冷劳 妇人虚劳之属于冷者。此证因气血不足、脏腑虚寒,以致脐下冷痛、手足时寒、经水失常、饮食不化、时或呕吐、恶寒发热、骨节酸痛、肌肤羸瘦等证,宜用附子理中汤以回阳,八味地黄丸以壮火,余如大圣散、浑身碎痛饮、十全大补汤、当归木香汤、熟干地黄丸、木香丸、煮肝散、硃砂煎丸、《肘后》獭肝散之属,均可酌用。参看〔妇人虚劳〕条。

冷呃 此证因启口时,阳气适当上长,而为寒气所袭,致阳不得越而发呃,宜令其追思往事,思则脾火气乘,胃气和而呃自止。参看〔呃逆〕条。

冷延泛 治详〔痰积呕吐〕条。

冷饭团 土茯苓之别名。

冷饮 思饮冷物也。《素问·逆调论》:阳盛则外热,阴虚则内热,内外皆热,则喘而渴,故欲冷饮也。

冷饮伤 详〔伤冷饮〕条。

冷泄 即寒泄。《素问·至真要大论》:冷泄腹胀。

冷泪 眼中无故流泪也,宜用夏枯草、香附子各等分,研为细末,麦门冬汤调下,或用胞枣一枚(去核),以花椒二十粒,入内,用湿纸裹煨熟,细嚼,白汤送下。

冷疮 此证由触受风寒冷气,以致血涩不行、生疮顽滞、不知痛痒、经久不愈,宜用花椒、附子、雄黄、枯矾之属,研细,油调敷。

冷香饮子 《张氏医通》方。〔功用〕治中暑夹阴,腹痛泻利。〔药品〕生附子、草果、橘红、甘草(炙)各一钱,生姜五片。〔用法〕清水煎,冷服。

冷流注 流注之附骨而生,致骨寒而痛、筋缩不能伸屈者。若误用刀针,则流出瘀黑血或如屋漏汁,宜用回阳玉龙膏,稍缓再加生姜、肉桂、白芷、草乌等分,热酒调敷,并加石菖蒲少许。参看〔流注〕条。

冷疰 十疰之一,传尸劳之属也。

冷疳 疳之日久不愈者。多见目肿胀、便利不止、泻粪肥腻、或似油珠、烦渴黄瘦,病多在內,宜木香丸。参看〔疳〕条。

冷疽 筋疽之流脓不止者。

冷痛 痈疡之属于寒者,青硬无头,宜用生铁锈二钱,白松香一两五钱,研细末,入铤内,加麻油一两,慢火煎数沸,离火,待热稍退,入轻粉二钱,麝香末少许,搅匀成膏,量疮大小摊贴之,甚妙。

冷热疳 疳之冷热交互者,宜如圣丸。参看〔疳〕条。

冷热嗽 此证因增减衣裳,寒热俱感,致乍寒乍热亦嗽,饮热饮冷亦嗽。治法如下:(1)宜金沸草散、消风散各一帖,和煎,或应梦人参散、款冬花散去麻黄,加薄荷,或二母散,另用辰砂化痰丸、八风丹含化。(2)脉浮风重者,用金沸草散。(3)脉数或涩由热重者,宜萎蕤汤去川芎,加香豉三钱。参看〔咳嗽〕条。

冷哮 遇冷而哮不止者。治法如下:(1)宜温肺汤、

补中益气汤加茱萸、钟乳丸、冷哮丸、紫金丸之属，并以三建膏护肺俞穴最妙。(2) 三伏中用白芥子(净末)一两，延胡索一两，甘遂、细辛各五钱，共为细末，入麝香五分，杵匀，姜汁调合涂肺俞、膏肓等穴，涂后麻痒疼痛，切勿便去，约三炷香时再去，十日后复涂一次，三次即愈，此较灸肺俞、膏肓、天突等穴尤妙。(3) 冷哮痰喘，用胡椒四十九粒，入活蛤蟆腹中，盐泥煨存性，卧时分三次醇酒服，羸者凉分五七服。参看〔喘〕条。

冷哮丸 ①《全生集》方。〔功用〕治痰饮经寒即发，哮喘气急，不能平卧〔药品〕江西白豆豉一两，白矾一钱。〔制法〕研为末，饭三钱，研烂，入末为丸，如茱萸子大。〔用法〕每服三四丸或二三丸，冷茶送下，童子服可除根。②《张氏医通》方。〔功用〕治背受寒气，即发喘嗽，顽痰结聚，胸膈痞满，倚息不得卧。〔药品〕麻黄(泡)、生川乌、细辛、蜀椒、生白矾、牙皂(去皮弦子，酥炙)、半夏曲、陈胆星、杏仁(去双仁者，连皮尖用)、生甘草各一两，紫菀茸、款冬花各二两。〔制法〕研为细末，姜汁调神曲末打糊为丸，如梧桐子大。〔用法〕每遇发时，临卧时生姜汤服二钱，羸者一钱，更以三建膏贴肺俞穴中；服后时吐顽痰，胸膈自宽，服此数日后，以补脾肺药调之，俟复发再服。〔杂论〕此少变麻黄附子细辛汤之法，而合稀涎散以涌泄其痰，为开发肺气之刚剂。但气虚少食及痰中见血、营气受伤者忌之，以其专司疏泄而无温养之功也。观用法之泻补互施，便得擒纵缓急之妙。

冷淋 此证由于下虚寒袭、气化不行，致尿水充积膀胱，不能排泄，先发寒栗，而后淋涩尿数、尿色清白、尿窍肿痛，宜《金匱》肾气丸加鹿茸、沉香，余如肉苁蓉丸、泽泻散之属，均可酌用；或用牛膝五钱煎汤，加麝香少许，下附子八味丸。若因烦渴饮水过多，水积胞中不行，致小便闭涩，窍中苦痛，憎寒凛凛者，宜生附子散，不应，用枯楼瞿麦汤。参看〔淋〕条。

冷痢 痰积呕吐之别称。

冷痢 即寒痢。

冷痛 九种心痛之一。

冷痰 即寒痰。

冷痹 即寒痹。

冷嗽 详〔形寒饮冷嗽〕条。

冷瘰 丹毒之白色者。初起白斑、无热无痛、游走不定，是由火毒内蕴未发，而肌肤复受寒郁所致，宜内服乌药顺气散，外以生姜擦之。参看〔丹毒〕条。

疗见怕 ①山马兰之别名。②玉净瓶之别名。

疗头草 玉净瓶之别名。

疗疮 《素问·生气通天论》：膏粱之变，足生大丁，受如持虚。按：此证或由恣食厚味，或由七情郁结，或受四时不正之气，或中蛇虫及疫死牲畜之毒，以致毒邪内结，流注经络而成。多生于无毫毛处，或关节处，状如丁钉，其形小，其根深，其生发迅速，其种类不下数十。生于头顶胸背者最急，生于手足骨节间者稍缓。一疗之外，别生小疮者，名曰应候；四围赤肿而不散漫者，名曰护场；四旁多生小疮者，名曰满天星，有此者缓，无此者急。初起或发寒热，或发麻木，或呕吐，或烦躁，或头晕眼花，或舌硬口干，或手足青黑，或心腹胀闷，或精神沉困，或言语颠倒，宜即于遍身寻认，凡须发、眼、耳、口、鼻、肩下、两腋、手足甲缝、粪门阴户等处，留心细看，若一时辨别不清，即以生黄豆令本

人嚼之，如无豆腥气，即属疗疮；如不知所在，再以甌中气垢少许纳口中，必有一处痛甚，即是疗处。初起疮顶泡色小白，二日大白，三四日转至青紫色，疗头溃脓，口外多小疮如蜂窝，四围赤肿，内无七恶等证者，为顺；若初起似疗非疗，色灰顶陷，如鱼脐，如蚕斑，疱色青紫，软陷无脓，内见七恶等证者，为逆；如肿势蔓延，神昏心烦者，名曰走黄，最为危险。凡疗疮贵乎早治，可十证十全，稍迟者十全五六，失治者十坏八九。古谓疗疮先刺血，内毒宜汗泻、禁灸不禁针，怕绵不怕铁，皆有至理。又有极速之证，甚至朝发夕死，随发随死，三五日不死、一半月必死者，此则关于藏腑之乖逆、性情之激变、节候之寒温、中毒之浅深，非可以常理论也。治法如下：〔内服〕(1) 初起毒重者，且服护心散，菊花饮之属，或服茱萸油，或麻同一碗，以免毒气攻心，或用白糖四五两，开水和服，均妙。(2) 宜蟾酥丸、狗宝丸、绀珠丹之属，以发其汗。余如菊花甘草汤、飞龙夺命丹、追疗夺命丹、小夺命散之属，均可酌用，或用荆芥败毒散加鲜菊花叶汁。(3) 金银花、当归身各五钱，天花粉、甘草、地丁各三钱，皂角刺二钱，川椒九粒，酒煎服(一说最忌用酒)。(4) 家菊花并叶共捣汁，冲酒服；将渣加盐少许敷之，立愈。冬月用根亦可，或用紫梗菊花捣碎，白酒煎服。(5) 白矾(研)三钱，葱白七茎，二味同捣极烂分作七块，每块用热酒一杯送下，服后厚覆，再进葱白汤一碗，少顷汗出如淋，其病若失。(6) 甘松、三奈各五钱，雄黄(研细)一钱，麝香一分，酒水各半煎成，滤去渣，加雄黄、麝香服。(7) 疗毒已危者，用土蜂房一具，蛇蜕一条，黄泥固济，烧存性为末，每空腹时好酒服一钱，服后疮必大痛，痛止其疮已化为黄水。(8) 苍耳草根叶，捣烂入童便绞汁，冷服一盅，日三次，仍以根茎叶任取一束烧灰存性，为末，醋调盖靛和如泥，先将疮中心及四周刺破，令血流出，拭净敷之，不过十次，根即拔出。(9) 野菊花、莎草根、甜菜叶，搗细，先用钉刀镰破疗头，以蟾酥敷之，再以此药用无灰酒调下，酒醒疗化为水，痛即止。如热除，不必去疗，亦能自愈。(10) 皂角刺一两，酒煎至七分，温服，脓血从大便出。不饮酒者，水煎亦可。(11) 服发汗药，如毒势不尽，仍憎寒壮热者，再服五味消毒饮汗之；如发热口渴、便秘、脉沉实者，邪在里也，宜服黄连解毒汤，加生大黄一钱五分，葱头五个清之，或用大黄、朴硝、丹皮、白芥子、桃仁各二钱，空腹时煎服，症轻者，宜服化疗内消散。(12) 疗毒将走黄者，急服疗毒复生汤。(13) 手足清冷，六脉暴绝者，系毒气闭塞、元气不通所致，先宜蟾酥丸透发，随服木香流气饮行气，则其脉自见；若因误灸而烦躁谵语者，乃逼毒内攻也，宜服解毒大青汤；烦闷恶心者，宜万应夺命丹。(14) 溃后余毒未尽，五心烦热者，宜服人参清神汤；针后出脓之时，气虚惊悸者，宜服内托安神散。(15) 攻利太过，以致发渴，六脉虚大者，宜服补中益气汤。(16) 发汗之后，汗不止、热不退、疮不疼、便不利者，此属里虚，宜服八珍汤加黄芪、麦冬。凡疗疮忌服辛热之药，否则反助其邪；溃后不可早补，虽见真虚，亦仅平补，不可偏温；始终禁用升药，否则与毒结成硬块，固结不散；忌食酒肉，能令走黄，药中尤忌用酒。〔外治〕(1) 疗疮针法，必循次第，在项以上者，系三阳经受毒，必用铍针刺入疮心四五分，挑断疗根，令出恶血，

随用立马回疔丹或蟾酥条插入孔内，外以巴膏或消疔毒膏盖之；在项以下者，系三阴经受毒，即常艾灸以杀其势。灸之不痛，亦用针刺出血，插蟾酥条。旁肿则以雌宫锭涂之。如旁肿硬，推之不动，便用针乱刺顽硬之处，以多出恶血，否则必致走黄。挑法，先用针干将毒顶焦皮刮开，针入疔根，坚硬如铁者为顺，若针刺入，绵软如瓜瓢而不知痛者为逆，见此者百无一生。挑后先出紫黑血，再挑至鲜血出，以知痛为止，随填拔疔散令满，以万应膏盖之，过三四时，拔出旧药，易以新药。若药干无水，不痛者，此疔根未曾挑断也，仍深挑之，必以上药知痛，药入水流为度。如四围肿痛者，以鲜地丁草或菊花梗根叶浓捣涂之，或用溲鸡粪，或用乌龙膏、解毒散外敷亦可，三四日后，疮顶干燥，以琥珀膏贴之，至疔根托出，则换九一丹撒之，黄连膏抹之，外盖白膏药生肌敛口。(2) 宜蟾酥饼、走马回疔丹、束毒金箍散、保生挺子、蟾酥丹、散疔膏、疔疮丸之属。(3) 巴豆(去壳)半粒，磁石研末，葱涎和蜜为膏，敷疔上。(4) 鲋鱼鳞用荷花瓣夹好，置书页中，遇疔贴之，即愈。(5) 火硝北煤(烧过渣内检出者)各等分，研细末，瓷瓶收贮，用时先以窗上糊纸水浸湿，贴疔上，再以此药敷之，疔根自出。(6) 银朱三钱，红枣七枚，煮烂去皮核捣敷，留顶。(7) 生葱和蜜捣敷，一饭时疔即拔出。(8) 蜣螂心(在蜣螂腹下有一点白者即是)，用针取出，将疔挑破贴之，上以膏盖，半日即血出根拔而愈，忌羊肉。(9) 生磁石一钱，麝香一分，研极细，每用少许膏盖。(10) 胡椒二十五粒，大独蒜一个，葱白三根，共捣烂，油纸作膏贴之，神效。(11) 铁钉置屋上，受风露之气，日久上锈，以刀刮下，研极细，加麝香少许，瓷瓶密贮。如遇疔疮已破者，搽少许，即流黑水，不过三次，疔根自出；如未破者，以水调敷，疔即拔出，神效。(12) 蓖麻仁七粒，银朱一分，共研细，津调敷疔周围，两三次后，即出小黄头。(13) 蓖麻仁一粒(去油)，乳香二分(去油)，共捣细，烂饭和为饼贴之。(14) 多年旱烟筒中油，厚涂四围，毒水流出自愈。(15) 掌后横纹五指上，灸七壮，男左女右。凡疔疮忌敷寒凉之药，否则逼毒内攻；膏药宜用在将溃已溃之时，不可早贴；初溃时忌用生肌药，恐毒未尽除，反增溃烂；头面之疔，及火日所生之疔均忌灸，防其倒陷或走黄，如椒、姜、鸡、鱼、海味、鹅肉、猪首、辛辣、生冷、污秽、恼怒、房劳、香气，皆在禁例。此外有钉脑疔、鼻疔、迎香疔、耳疔、颧疔、眉心疔、腮疔、龙泉疔、虎须疔、虎髭疔、反唇疔、锁口疔、承浆疔、牙疔、穿牙疔、舌疔、喉疔、蚂蝗疔、开花疔、松子疔、正对口疔、偏对口疔、十指疔、蛇头疔、水蛇头疔、蛇眼疔、蛇背疔、蛇腹疔、蛙节疔、蛇节疔、断指疔、合谷疔、托盘疔、手背疔、手槽疔、乌癰疔、冷疔、脱骨疔、火焰疔、紫靛疔、黄鼓疔、白刃疔、黑靛疔、羊毛疔、心经疔、火疔、血疔、黑疔、鱼眼疔、鱼脐疔、七星赶月疔、三十六疔、刀镰疔、红丝疔、对疔、水疔、葡萄疔、暗疔、内疔、麻子疔、芝麻疔、雄疔、雌疔、石疔、烂疔、盐肤疔、水洗疔、浮沤疔、牛皮疔、猪疔、牛疔、狗疔、驴马疔、瓜藤疔、豆腐疔、气疔、鬼疔、杨梅疔、蜈蚣疔、赤斑疔、过梁疔、红茧疔、马口疔、烂头疔、扎马疔、髭疔、面白疔、擎珠疔、赤疔、白疔、青疔、黄疔之别，各详本条。

疔疮丸 卢成琰方。〔功用〕治一切疔疮，湿痰流注，梅毒初起。〔药品〕巴豆仁(去皮膜)、明雄黄、生大黄各三钱。〔制法〕共研细末，加飞面醋打糊为丸，如金凤花子大。〔用法〕每服二三十丸，热汤送下，泻三四次无妨，弱人只服十九丸自消，得噤即愈。

疔疮草 毛叶仙桥之别名。

疔疮走黄 此证因疔疮起后，失于调治，或因房劳梦遗泄气，以致毒气内攻、四散经络、肿势蔓延、疮顶塌陷、神昏心烦，宜急随走黄处按经寻觅，遇有一芒刺直竖者，即是疔苗，急用针刺出恶血，并用艾灸三壮，内服七星剑汤、菊花饮、地丁饮，或急捶芭蕉根汁频灌之。若身面漫肿，神昏闷乱，干呕心烦作渴，遍身起泡抽搐者，难治。

疔疮立效膏 〔功用〕治疮初起，顶如粟，四围肿硬，或麻痒疼痛。〔药品〕松香(制)四两，黄蜡二两，没药(去油)、乳香(去油)各六钱，百草霜、铜绿各一两，白蚶四钱，蟾蜍(隔水炖研，和入)、麻油各三两，麝香(研细，后入)三钱。〔制法〕研为细末，用桑柴火，先将麻油入锅煎滚，次下松香，候稍滚，再下白蚶，候滚，再下黄蚶，候滚，再下乳香，稍滚，下没药，滚，即下铜绿，再滚，将百草霜下于锅内，滚数次，再后搅下蟾酥、麝香，即息火，冷透搓成条子，作丸如桂圆核大，藏净瓷器内，勿令泄气。〔用法〕每用一丸，呵软捻扁贴之，外盖膏药，痛即止，次日肿消而愈，已走黄者用之亦效。

疔毒丸 即疔疮丸。

疔毒复生汤 《医宗金鉴》方。〔功用〕治疗毒走黄，头面肿浮，百毒内伤者。〔药品〕金银花、生栀子(研)、地骨皮、牛蒡子(炒研)、连翘(去心)、木通、牡蛎(炒)、生大黄、皂角刺、天花粉、没药、乳香各八分。〔用法〕酒水各一盅，煎至一盅，食远服，不能饮者，只用水煎，临服入酒一杯和服亦效。如脉实便秘者加朴硝。

疔毒膏 即疔疮立效膏。

疔疽 ①此证因醇酒炙博，膏粱厚味，或误食自死牛马、宿茶陈菜而成。生于两肋及鼻下，焮肿生疮，恶血淋漓，按之如钉着骨、痛不可忍，三日后则口噤如痉、角弓反张。不可妄用刀针，当照疔疮法治之，稍缓则毒气攻心，呕吐不食，昏迷躁乱谵语者死。②即干疽。

疔 (音庀) 头疡也，亦称秀。

疔乳 即妒乳。

疔 疡之小者。此证由暑邪血热所致，发无定处，大小不一，初起肌肤红晕肿痛，日久出脓，脓尽收口，婴儿在怀抱者，母子均易生之。治法如下：(1) 大黄、朴硝各等分为末，醋调敷。(2) 菊花根捣汁，无灰酒冲服。疔在上身者，空腹时服；疔在下身者，食后服；(3) 二蚕时之桑叶，捣水涂之。(4) 人乳调白面敷之。(5) 白木槿花煨存性，研末敷之。(6) 枯矾研细，香油调敷。(7) 热疔宜神效膏贴之。(8) 顽疔久不出头者，用巴豆半粒，同饭捣成饼贴之，明日即出脓。(9) 头面红疔，用大黄、远志等分为末，猪胆汁调敷。(10) 苦莢菜梗折断有白汁出，取汁搽之即消，初起者尤效。(11) 黄柏、真川连、黄芩各等分，研末，醋调敷。(12) 菊花叶捣汁，调白蜜敷之，用渣敷四围，留头不敷，俟毒水流尽即消。(13) 洞天鲜草膏贴之，一日即消溃者即愈。(14) 头晕目眩，口苦舌干，心烦背热，肢

体怠倦者，宜荆防败毒散加藿香、黄连、石膏。
(15) 预防生疔，宜用紫薇花半茶盅，煮精猪肉食之，或于大小暑前，用连翘、花粉、赤芍药、银花、甘草、车前、泽泻各一钱，煎温服。又有软疔，详本条。

疗 治病也。《周礼》：凡疗疡以五毒攻之。

疗儿散 《傅青主女科》方。〔功用〕治子死腹中。〔药品〕人参一两，当归二两（酒洗），川牛膝五钱，鬼白（研，水飞）三钱，乳香二钱（去油）。〔用法〕清水煎服，一剂死胎下而母生。〔杂论〕凡儿之生，必先转其头，原因母气血之虚，致儿不能转头向下，或因催生药以耗儿之气血，则儿不能通达，反致闷死腹中。故难产之证，断不可用催生之药，只宜补气补血，以壮其母而全其子，则功效自见。

疗马集 明·喻仁、喻杰撰。《四库》著录作四卷，《附录》一卷。为医驼之方，今通行本六卷，后附《牛经》、《驼经》各一卷，为清乾隆时李玉书所刻，其内容当有详略之不同。书中备论马之诸病，及治疗处方，兼及马之生理及相马之法，颇为赅备。仁字本元，杰字本亨，故坊刻又有题为《元亨疗马集》者，名颇不经。

疗马集附录 见〔疗马集〕条。

疗伤寒身验方 一卷，见《梁书》。即《伤寒杂病论》之一部份。

疗妇人方 二卷，汉·张机撰，《金匱要略》之一部份也。

疗毒汤 《疡医大全》方。〔功用〕治痛痒诸疮日久者。〔药品〕何首乌、荆芥、独活、防风、威灵仙、胡麻、石菖蒲、苦参。〔用法〕清水煎服。

疗痈疽耳根本草要钞 元·王好古撰。

床脚下土 〔功用〕疗猘犬咬伤（和水敷之，并灸七壮）。

库房穴 属足阳明胃经，在气户下一寸六分陷中，去中各四寸。主胸胁满、咳逆上气、呼吸不至息、唾脓血浊沫。《铜人》：灸五壮，针三分。

弃杖草 淫羊藿之别名。

冶葛 钩吻之别名。

忘汲疔 痘疔之一种。此证多生于六七朝之时，两眼沿卒然结疔，肿胀封合，面色红紫，口中烦渴，宜用银针挑破，以瓦葱或山慈姑和蛭螂肉盒之。参看〔痘疔〕条。

忘忧草 萱草之别名。

育（音荒）心下鬲上也（一说肠外之脂膜）。《灵枢·九针十二原篇》：育之原出于腠腧。《素问·腹中论》：育之原在脐下。

育门穴 属足太阳膀胱经，在十三椎下，两旁去脊各三寸陷中，正坐取之。主心下痛、大便坚、妇人乳疾。《铜人》：灸三十壮，针五分。

育俞穴 《甲乙经》：肩俞在商曲下直脐旁五分，乃冲脉足少阴之会。按：此穴属足少阴肾经，在商曲下一寸，去腹中行各一寸，为足少阴与冲脉之会。主目赤痛从内眦始，心下有寒、腹切痛、腹满响响然不便、寒疝、大便燥。《铜人》：灸五壮，针一寸。

育膜 育之膜也（一说小肠之脂膜）。《素问·痹论》：熏于育膜。

判 半也。《灵枢·阴阳二十五人篇》：判角之人。

判角 得五音之角而居少数者。《灵枢·五音五味篇》：判角与少角，调右足少阳下。〔又〕判角与太角，同左右少阳下。

判角之人 《灵枢·阴阳二十五人篇》：判角之人，比于左足少阳，少阳之下枯枯然。

判商 金之半也。商音，属金。《素问·五常政大论》：少角与判商同。

兑 锐同，尖也。《难经·十五难》：上大下兑。

兑金丸 〔功用〕治小儿五疳。〔药品〕大黄（锦纹者）、胆星（陈久者）、胡黄连、川连、白牵牛、黑牵牛、石膏（煨）、雄黄、滑石（飞）。〔制法〕共研细末，水泛丸，如萝卜子大，五色为衣。〔用法〕每岁一丸，按岁加增，熟汤送下，病愈即止，不可多服，忌食鱼腥、油腻、生冷、面豆等物。

兑草 杂草类。〔形态〕冬日附木而生，叶黄有毛。〔性质〕酸平，无毒。〔功用〕益气，轻身，延年。

兑骨穴 《难经·六十六难》：少阴之原，出于兑骨。按：此穴为手少阴经之源，在掌后兑骨之端，陷者中，心脏病治之，用长针口中温暖，刺入三分，留三呼，进一分，留一呼，徐徐出针，以手扣其穴，可复苏也。

兑疽 此证由忧思气滞风火结成。生于手腕里面横纹前稍动脉之间，兑骨里侧，属肺经太渊穴，坚硬漫肿，疼痛彻骨，手肘不能转动。此动脉处乃肺经门户，若发此疽，或溃深大泄肺气，最为险候，内外治法，俱与痈疽、肿疡、溃瘍同。

兑端穴 属督脉经，在唇上端。主癫疾、吐沫、小便黄、消渴、衄血、唇吻强、齿龈痛、鼻塞、痰涎、口噤、鼓颌。《铜人》：针二分，灸三壮，炷大如麦。

闷 此证面色青惨，昏愤如迷，四肢逆冷，头汗如雨，头痛如劈，腹内搅痛，欲吐不吐，欲泄不泄，六脉细数沉伏，男则仰卧，女则覆卧，摇头鼓颌，烦扰不安。此由瘟疫热毒，深伏于内，渐伏渐深，入脏即死，不俟终日。宜急刺曲池、委中二穴，以泄营分之毒，再灌以紫雪丹，清透伏邪，使之外越，或可挽回。参看〔瘟疫〕条。

闷香毒 孤村野店，往往有贼用闷香以迷宿客而取其货财者。宜于临睡时，口含冰糖（沙糖、片糖亦可），或含甘草，其门窗隙穴可透烟气处，亦多撒白沙糖（黄沙糖亦可）或用清水一盆置房中，亦可免闷香昏迷之毒，并辟邪鬼。如被迷闷不醒者，饮冷水或糖水、甘草水均可解之。

闷痧 ①疫喉痧之最剧者。此证咽喉腐溃、汤饮难下、壮热神烦、遍身紫赤、颗粒不分、肢凉脉伏、舌苔灰白、垢腻满布、面青目瞪、口紧流涎、指甲色青、胸满气粗、搐搦谵言、自利溲短，治之稍迟，则百无一生，宜急用通关散、卧龙丹，搐鼻取嚏，以开其闭，随用苏薄荷一钱，连翘一钱五分，天花粉三钱，象贝母三钱，川郁金一钱五分，鲜浮萍三钱（汗多者去之），煎汤，磨入玉枢丹一铤，灌之。如无烦躁热象，但身热无汗神迷者，可去花粉、连翘、浮萍，加荆芥、香豆豉、紫苏梗，以清化宣泄，透邪出表；如痧闷未开，疫火已炽，神昏躁扰，岌岌可危者，宜速用紫雪丹三四分，新汲水调灌；若牙关紧急，汤水难咽者，即取紫雪丹二三分涂舌上，另磨马犀角汁频灌之。然下之浊窍不通，则上之清窍难启，急当接服清咽三黄汤或清咽利膈汤之属，随症加减，上开下夺，或可挽回，参看〔疫喉痧〕条。②麻疹之因正气不足，不能逐邪外出，以致毒伏于内、喘胀而死者。③无疫喉麻疹证之关系，但觉倦喜睡，四肢乏力，不思饮食，甚则眼渐昏暗、人事不知而死，宜急针曲池、委中、间使、肩井、手三里，足三里、大椎七穴，及手足十指尖，